



# Synfocity = 638

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

6<sup>th</sup> June, 2017

- ❑ **Synod Executive Committee Vawi 268-na an thu**  
 Mizoram Presbyterian Kohhran hnuai Committee sang ber, Synod Executive Committee Vawi 268-na, ni thum chung awh tur chu June 6, 2017 (Thawhlehi) chawhma dar 10:00 atang khan J.M. Lloyd Hall, Synod Office-ah an thu a, member 131 an kal thei a ni.  
 Committee Meeting hi Rev. Lalzuithanga, Synod Moderator-in a kaihruai a, Synod Secretary report te, Finance Officer report te leh Audit Report te ngaihthlak a ni a. Annual Statement of Account thirho a ni bawk. Hemi zawh hian Committee member inthlakna hun hman a ni. Synod Secretary hnen atangin Synod aiawha Inkhawmpui hrang hranga palai intirh thinnaah te tluang takin palaite an kal thu te, Pastoral Ministry hnuai thawk tura lak, Pastor, Synod Mission Board hnuai thawkte Service Record Bu, Synod Service Board lam enkawl tawh tura tih thu te, March 2, 2017 khan Synod Social Front buatsaih Political Education kick-off neih thu te, March 3, 2017 khan Presbyterian Church of India, Hyderabad Mizo Church din thu te, March 15-17, 2017 khan Synod Revival Speakers Residential Training neih thu te, Revival Speaker ten Aizawl khawpui leh a chheh vela mi awm tha duh lote zawng chhuaka rawngbawlna 'Operation Nehemia' an kalpui mek thu te, ATC a DCPC course hawn tharah zirlaiten tha taka an pass thu te, Lay Theological Education chu ATC, Durtlang atangin SMTC, Mission Vengthlangah sawn a nih thu te, Missionary lak tharte Tirhchhuah Inkhawm April 19, 2017 khan neih a nih thu te, Synod sum endiktu ten April 2017 chungin Synod sum endikin sum te him leh dik taka hman a nih thu te, Synod Moderator-in Synod Office Annexe a hawn thu te, May 9-12, 2017 chungin Pastor Retreat neih thu te, 3rd Battalion, Mangaldai, Assam-a Chaplain hna thawk turin Rev. R. Lalsawta, Vaivakawn (Pensioner) lak thu te, May 14, 2017 khan Bial 5 ah Pastor Induction neih thu te, Pastor Quarters sak thar tur 7 leh sak that tur 2 thlan thu te, Kohhran dinggehna head atangin Diphu Presbyterian Kohhran Biak In sak nan leh Munnuam Local Church (Presbyterian Church in Bangladesh) Biak In sak nan Rs. 5,00,000/- ve ve pek thu te, June 2, 2017 khan Synod Bookroom Showroom thar, Khatla North Kohhran Biak In hnuai hawn leh luah tan thu te, SEC 267 leh 268 inkarah RC 392 leh RL 460 pek a nih thu te, SEC 267 leh 268 inkarah Synod Relief fund atangin harsatna tuar mi hrang hrangte hnenah tanpuina Rs. 35,68,000/- pek a nih thu te ngaihthlak a ni.  
 Tuntum SEC a thurel tur chhawpchuah langsar deuh te chu - Kohhran pawimawhna inzirtir tura kaihruaina siam thu te, Ram pum huap Social Media chungchang zirhona/seminar buatsaih thu te, Digital Media hmanga Synod rawngbawlna changtlung zawka kalpui rawtna te, Synod Hospital-a damlo awmpuitute tana khalbuk sak chungchang te, Medical Re-imburement (MR) bill dan kalhmang enthat thu te, Pêm Hruai Dân enthatna te, Nupa Chungchang Dân leh Kohhran Pawl Dangte Nena Kan Inkungkaih Dân enthatna te, Youth Empowerment zir chianna bawhzui dan tur te, Synod Hospital Doctor-te tana Limited Private Practice kawng hawn chungchang te, Evangelical Presbyterian Theological Seminary (EPTS) a zir chhuakte Nepal Mission Field Pastor atana nemnggeh dân kawng zawn thu te, Daily leh Contract-a rawhna rate enthat te, Synfo inkaihruaina enthat thu te, Chhiah chungchanga Hospital dinhmun zir chianna te, Synod Statistic form enthatna te, Tripura Presbyterian Church Provisional Synod kalpui dan tur te, Pay Commission din chungchang te, Kohhran Hmeichhe inkaihruaina enthat thu te, Hmangaihna In inkaihruaina enthat thu te, Manipur Area Synod-a siam rawtna te, Fellowship atanga pem lehkha/testimonial pawm dan tur te, Kohhran Hmeichhia leh KTP ten letterhead an siam dan tur te, ATC Administrative set-up ruahmanna te, Optometrist post siam dilna te, PES hawn dilna te, Synod Prison Ministry Sub-Committee siam chungchang te, Chhim Bial enkawl dân enthatna te leh thil pawimawh chi hrang hrang te an ni.
- ❑ **Synod Bookroom, Khatla hawn a ni**  
 June 2, 2017 zing dar 7:00 khan Synod Bookroom thar, Khatla North Biak In hnuai a mi chu Rev. P.C. Pachhunga, Executive Secretary i/c PRESCOM Department chuan a hawng.  
 Bookroom thar hawnna inkhawm hi Upa R. Lalmalsawma, General Manager, PRESCOM Dept. chuan kaihruiin Pu Lalniliana, Synod Bookroom Manager-in report a pe a. Khatla North Kohhran aiawh atangin thusawi ngaihthlak a nih hnuah Rev. P.C. Pachhunga, Executive Secretary i/c PRESCOM Dept. chuan mitin dawr theih turin a hawng a ni. Synod Bookroom Headquarters chu sak that tura tih a nih avangin Showroom sawnna atan Khatla North Biak In hnuai hi April thlatir atang khan chei hna thawh tan a ni a. Ngawrh taka buatsaihin hna thla hnih chung thawh a nih hnuah hawn theiha peih fel a ni ta a ni. He bookroom thar hi a dung feet 38 a sei niin a vâng lam hi feet 30 a zau a ni a, stockroom feet 16 a sei feet 8 a zau a nei bawk.  
 Headquarters Building sak zawh a nih hunah pawh khar lova Branch anga ding tlang zel tura ngaih a ni a. Heti hian Synod Bookroom chuan Branch 13 leh Distributor 32 a nei mek a ni.
- ❑ **Mission Board**  
 June 10 & 11, 2017 chung hian Sihfa Kohhranah Ramthar Campaign neih a ni dawn a, hemi hunah hian Dr. Robert S. Halliday, Coordinator, SMB leh Pu C. Kapthanga, O/A te an kal ang.
- ❑ **SL&PB**  
 June 10 & 11, 2017 chung hian Rabung Kohhranah Literature Seminar neih a ni dawn a, hemi hunah hian Upa H. Ronghaka, Additional Editor, Rev. Thangzauva, BEC member leh Tv. Lalrinzuala, Synod Office te an kal ang.
- ❑ **Campus Ministry**  
 June 6, 2017 (Thawhlehi) khan Apollo School of Nursing-ah hun an hmang a, June 9, 2017 (Zirtawpni) hian Health Worker Training Institute, Hmuntharah hun an hmang leh ang.
- ❑ **Finance Dept**  
 June 10, 2017 (Inrinni) hian Hunthar Bialah Account Training neih a ni dawn a, hemi hunah hian Tv. Zaihmingthanga Fanai, Accountant leh T.Upa David Lalnunfela, Cashier te an kal ang.
- ❑ **Zin**  
 June 10 & 11, 2017 chung hian Kristian Chhungkaw Seminar leh Campaign nei turin Kawnpui Bialah Rev. P.C. Pachhunga, Executive Secretary a kal ang.

- **MSSU**
  - ◆ June 10, 2017 (Inrinni) hian Luangmual Kohhranah Sunday School Zirtirtu Training buatsaih a ni dawn a, hemi hunah hian NI. Vanlalsawmi, MSSU Coordinator leh T. Upa R. Lalhmingthanga, MSSU Trainer, Republic Vengthlang te an kal ang a, zan inkhawmah NI. Vanlalsawmi, MSSU Coordinator-in Pathian thuchah a sawi ang.
  - ◆ June 10, 2017 (Inrinni) hian Chalrang Bialah Sunday School Zirtirtu Training neih a ni dawn a, hemi hunah hian Upa Lalthahluna Ralte, MSSU Asst. Coordinator leh Upa S. Kapzathanga, MSSU Trainer, Armed veng South te an kal ang.
  - ◆ June 10, 2017 (Inrinni) hian Chawngtlai Bialah Sunday School Zirtirtu Training neih a ni dawn a, hemi hunah hian Upa Lalrosanga Kawlni, MSSU Office leh Upa K. Zoremsanga, MSSU Trainer, Kulikawn te an kal ang.
- **Kohhran Hmeichhia**
  - ◆ June 10 & 11, 2017 chung hian Ratu Bialah Bial Leadership Training neih a ni dawn a, hemi hunah hian Pi C. Thanthuami, Pi Lalbiaksangi leh Pi Chuauhmingliani, Committee Member te an kal ang.
  - ◆ June 10 & 11, 2017 chung hian Kolasib Venglai Bialah Leadership & Kristian Chhungkaw Campaign neih a ni dawn a, hemi hunah hian Pi Lalrinpuui, Pi Lalhiap leh Pi Thanghlupuii, Committee Member te an kal ang.
- **Office sawn**  
Synod Worship Dept leh Synod Information and Publicity Dept. (SYNFO) te chu Synod Office Annexe building tharah an insawn dawn ta a, karleh lam atang chuan heng dept dawr tur chuan Annexe building lam pan tawh tur a ni ang.
- **Synod-in chhawmdawlina pe**  
Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Tlungvel Field Veng	Accident-a nunna chan	1	Rs. 10,000/-
2.	Ramhlun	Damlo	2	Rs. 12,000/-
3.	Serchhip Bethel	In kang ral vek	1	Rs. 10,000/-
4.	Lungchuan	Thlipui tuar	3	Rs. 24,000/-
5.	Damparengpui	Thlipui tuar	1	Rs. 8,000/-
6.	Tlabung	Thlipui tuar	2	Rs. 14,000/-
7.	Chuhvel	Thlipui tuar	11	Rs. 66,000/-
8.	Suarhliap	Thlipui tuar	1	Rs. 8,000/-
9.	Vaitin	In kang ral	1	Rs. 8,000/-
<b>TOTAL</b>				<b>Rs. 1,60,000/-</b>
- **Susamachar Prasaran Programme**
  - ◆ **JUNE 11, 2017 (Pathianni) 5:00 pm. :**  
**Group/Choir/Solo :** Hamren Pastorate Choir - Vang thu tha, **Group/Choir/Solo :** Luangmual Vengthlang - Bondhu re, **Sermon :** Rev SB Gurung - Samai Ka Sudh Upyog, **Group/Choir/Solo :** Jubilee Kohhran - Hijo Aja, **Group/Choir/Solo :** Aizawl West Area Choir - Bharat Desh Mahan
  - ◆ **JUNE 11, 2017 (Tv Programme) @ 4:00 - 6:00, 8:00 - 9:00 p.m) :**  
**Sermon :** Rev. J. Lalbiaknia - Ram siam that, **Weekly Round Up, PES HSLC 2017 titha lawmman semna**
- **Moderator Programme**

June 10, 2017	Inrinni	Zan	Saikhumphai Kohhran	Vaphai Bial
June 11, 2017	Pathianni	Chawhma	Chawngtui 'E' Kohhran	Vaphai Bial
June 11, 2017	Pathianni	Chawhnu	Vaphai Vengthar Kohhran	Vaphai Bial
June 11, 2017	Pathianni	Zan	Vaphai Kohhran	Vaphai Bial

### HRIATTIRNA

Nepali Kristian Hla bu (Devangiri leh Roman Script) chu peih a ni tawh a, a duh tan copy 1 Rs. 50/- zelin Masihi Sangati Kendra, Bawngkawn-ah leh Synod Mission Board Office, Aizawlah lei theih a ni e.

### MUSIC ADMISSION

Synod Music School-ah **Keyboard, Violin, Vocal (Zai zirna) July - December, 2017** chungga zir duhte tan seat dil theih a ni a.

Dil duhte chuan a hnuai tarlante hi hriat ni se :-

- ☞ Worship Department, Synod Office atangin Dilna Form la chhuakin **June 27, 2017** ral hma ngeiin Synod Office-ah thehluh tur a ni. **June 28, 2017**-ah seat chang turte hming tarchhuah a ni ang a, zir tura thlan te chuan **June 28 & 29, 2017** chungin Admission tih fel tur a ni ang.
- ☞ **July 9, 2017** atanga class tan tur a ni ang.
- ☞ Dilnaah mahni awmna Kohhran lehkha thil tel tur a ni.
- ☞ Hriat tur tul dang chu dilna Form-ah tarlan a ni.

Sd/-  
**Rev. B. Sangthanga**  
Executive Secretary i/c Worship

### ADVERTISEMENT

Application are invited for the following sanctioned Posts for Asst. Prof. in Union Christian College (UCC), Meghalaya, sponsored College by the North East India Christian Council (NEICC). Candidates should fulfill the UGC norms (i.e. NET & minimum 55% in M.A) willing to reside in the College campus and serve as Hostel Warden. Age limit and reservation policy as per state Government rules.

- |                |                  |
|----------------|------------------|
| 1. English (1) | 2. Geography (1) |
| 3. History (1) | 4. Physics (1)   |

Submission of Application in person on or before 15th June, 2017, 4 : 00 pm in the College Office.

Sd/-  
**Rev. R. Lalnunzira**  
Secretary, NEICC